

ԼՂԻՄ-Ի ԴՐՈՒԹՅԱՆ ՄԱՍԻՆ

Վերջին օրերին Լեոնային Ղարաբաղի Ինքնավար Մարզում իրադրությունը ընդհանուր առմամբ չի փոխվել: Մարդիկ արձյալ չեն գնում իրենց աշխատատեղերը:

Հունիսի 4-ի երեկոյան մարտի կենտրոնի Հաղթանակի հրապարակում տեղի ունեցավ շաղաքի աշխատավորների ներթափանց միտինգ: Մարդիկ Միտինգի էին եկել տրանսպորտային տնտեսության, որոնց վրա զըրկած էր. «Ղարաբաղցիները աշխատություն են պահանջում», «Միացում, միայն միացում»: Նրանք բերել էին նաև ուրիշ խորհուրդներ, հայկական ազգային խորհրդանշանը հանդիսացող եռագույն դրոշմներ:

Միտինգը բացեց երկրամասում հայտնի մանկագիր Գուրգեն Գաբրիելյանը: Ելույթ ունեցան Ստեփանակերտի Մ. Զորկու անվան հայկական պետական դրամատիկական թատրոնի դիրեկտոր Աշոտ Ստեփանյանը, Ղարաբաղի մետաքսի կոմբինատի կուսկազմակերպության քարտուղար Ռոբերտ Քոչարյանը, աշխատանքի վետերան Իշխան Ավետիսյանը, կուսակցության քաղաքային կոմիտեի քարտուղար Հասմիկ Միքայելյանը և ուրիշներ: Նրանք նշեցին, որ ԽՍՀՄ ժողովրդական դեպուտատների համագումարում մի շարք ելույթներ տողորված են լնացման ժամանակների գաղափարներով, ինչը լուրջ մտահոգություն է պատճառում վերակառուցման

կողմնակիցներին: Նրանք այն միտքը հայտնեցին, որ Ղարաբաղի պրոբլեմը կարող է լուծվել միայն ազգամիջյան հարաբերությունների հարցերում նոր մտածողության հաղթանակի, հասարակական կյանքի հետագա դեմոկրատացման շնորհիվ: Միտինգի մասնակիցները հույս հայտնեցին, որ համագումարում հակափերակառուցողական ուժերի դեմ հուսալի պատնեշ կրկանցնեցվի: Նրանք միևնույն ժամանակ բնակչությանը կոչ արեցին առաջվա պես պահպանել հանգստություն և տրուկություն, չենթարկվել հնարավոր պրովոկացիաներին:

Հունիսի 5-ին Ստեփանակերտում և մարզում իրավիճակը մնում էր նախկինը: Ծառերի կարծիքով, ՏԱՍՍ-ի վերջին հաղորդագրության մեջ այդ իրավիճակը չափից ավելի է դրամատիկացված: Երկրամասի բնակիչները սրտի ցավով ընդունեցին Բաշկիրիայի տարածքում տեղի ունեցած սոսկալի ողբերգության լուրը: Նրանք պատրաստակամություն հայտնեցին ուժերի ներածի չափ օգնություն ցուցաբերելու տուժածների ընտանիքներին:

Ինքնավար մարզում համեմատաբար անդորր է տիրում: Մարդիկ աճհամբերությամբ են սպասում համագումարում իրենց դեպուտատի ելույթին:

Ա. ԳՐԻԳՈՐՅԱՆ

(Արմենպրեսի սեփ. թղթ.)

Ստեփանակերտ